

Na osnovu člana člana 35. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“ broj: 35/22) i člana 16. Pravila J.U. „MES - Međunarodni teatarski festival - Scena MESS“ broj: 257/16, od 10. maja 2016. godine (Izmjene i dopune broj: 02-XII-844/21 od 28.12.2021.) direktor J.U. "MES – Međunarodni teatarski festival – Scena MESS" dana 16.11.2022. donosi:

P R A V I L N I K O INTERNOM PRIJAVLJIVANJU KORUPCIJE I ZAŠTITI LICA KOJE PRIJAVI KORUPCIJU

DIO PRVI – OPŠTE ODREDBE

Član 1.

(Predmet Pravilnika)

Pravilnikom o internom prijavljivanju korupcije i zaštiti lica koje prijavi korupciju (u daljem tekstu: Pravilnik) uređuje se:

- način internog prijavljivanja korupcije;
- postupanje po zaprimljenim prijavama;
- zaštita prijavitelja korupcije;
- druga pitanja koja su vezana za interno prijavljivanje korupcije u J.U. "MES – Međunarodni teatarski festival – Scena MESS", (u daljem tekstu: J.U. MES).

Član 2.

(Cilj Pravilnika)

Cilj ovog Pravilnika je sprječavanje korupcije i drugih nepravilnosti putem uspostavljanja efikasnog sistema prijavljivanja, kao i zaštita prijavitelja od bilo kojeg oblika ugrožavanja ili povrede njegovih prava.

Član 3.

(Definicije pojedinih pojmova)

Pojedini pojmovi koji se koriste u ovom Pravilniku imaju sljedeća značenja:

- „**korupcija**“ je svako činjenje ili ne činjenje izvršeno zloupotrebom povjerene javne funkcije, radne obaveze ili posla u privatne svrhe, radi sticanja protivpravne imovinske ili bilo koje druge koristi za sebe ili drugoga od strane odgovornog lica ili lica koje je radno angažirano u J.U. MES;
- „**druge nepravilnosti**“ u smislu ovog Pravilnika predstavljaju sva djelovanja suprotna zakonu i drugim propisima, Etičkim kodeksom, te drugim internim aktima kojima se uređuju prava, obaveze i postupanja radnika J.U. MES u obavljanju njihovih dužnosti;
- „**štetna radnja**“ je svaka radnja kojom se prema prijavitelju ili licu koje se smatra prijaviteljem, neposredno ili posredno različito postupa, uključujući isključivanje ili ograničavanje mogućnosti učestvovanja u konkursima za zapošljavanje, napredovanja u više stručno zvanje, prestanak radnog odnosa, ograničavanje mogućnosti ili isključivanje stručnog obrazovanja i usavršavanja, lošiju ocjenu rada, suspenziju sa posla, stvaranje radnih uslova kojima bi se prijavitelj i ostali zaposlenici odvratili od zaštićenog prijavljivanja, uznemiravanje, mobing, kao i svaku drugu okolnost koja ima za svrhu ili posljedicu da se prijavitelju onemogući ili ugrožava priznavanje, uživanje ili ostvarivanje, na ravnopravnom osnovu prava iz radnog odnosa, a koje se može dovesti u neposrednu ili posrednu vezu sa prijavljivanjem korupcije ili druge nepravilnosti;

- „radnik“ je lice koje je zasnovalo radni odnos na neodređeno ili određeno vrijeme, pripravnik, lice angažovano po Ugovoru o djelu, volonter, pripravnik angažovan po Ugovoru o sufinansiranju zapošljavanja pripravnika ili bilo koje drugo lice angažovano po javnim projektima;
- „nosioci javnih funkcija“ smatraju se direktor J.U. MES kao i članovi Upravnog odbora;
- „prijavitelj korupcije“ je fizičko lice koje prijavi korupciju u J.U. MES;
- „prijava korupcije“ je pismeno ili usmeno obavještenje koje sadrži podatke o korupciji iz ovog člana tačka a);
- „korist“ podrazumjeva imovinu ili imovinska i druga materijalna i nematerijalna prava;
- „finansijski interes“ je svaki interes kojim se nosiocu javne funkcije omogućava da primi novac u vrijednosti većoj od 1.000,00 KM.

Član 4.

(Upotreba muškog ili ženskog roda)

Gramatička terminologija korištenja muškog ili ženskog roda u ovom Pravilniku bez diskriminacije se odnose i na muškarce i na žene.

DIO DRUGI – INTERNO PRIJAVLJIVANJE KORUPCIJE I DRUGIH NEPRAVILNOSTI

Član 5.

(Pravo na interno prijavljivanje)

- (1) Svaki radnik koji ima opravdanu sumnju, saznanje ili materijalne dokaze o postojanju korupcije ili drugih nepravilnosti odnosno postojanju okolnosti koje ukazuje na korupciju ili druge nepravilnosti, ima pravo da podnese internu prijavu.
- (2) Pravo na interno prijavljivanje korupcije ili druge nepravilnosti iz stava (1) ovog člana ne utiče na pravo radnika da podnese zahtjev za pokretanje disciplinskog postupka u skladu sa odredbama Pravilnika o radu i drugim provedbenim aktima Ustanove.

Član 6.

(Pojam i način podnošenja prijave)

- (1) Prijava je pismeno ili usmeno obavještenje koje sadrži informacije iz kojih proizilazi sumnja da je izvršena korupcija.
- (2) Prijava korupcije ili druge nepravilnosti podnosi se pisanim putem i sadrži:
 - podatke o prijavitelju korupcije;
 - ime i prezime i naziv radnog mjesta radnika na kojeg se prijava odnosi,
 - informaciju o korupciji ili drugoj nepravilnosti koja se prijavljuje, sa opisom radnji, mjestom i datumom dešavanja i drugim podacima kojima prijavitelj raspolaže;
 - prijedlog dokumenta i/ili predmeta koji mogu poslužiti kao dokazi za potvrđivanje navoda iz prijave, ukoliko prijavitelj njima raspolaže.
- (3) Prijava korupcije ili druge nepravilnosti može biti anonimna.
- (4) Prijava se podnosi putem e-mail adrese ustanove: mess@mess.ba ili putem zaključanog sandučića smještenog u prijemnoj kancelariji Ustanove na kojem stoji natpis „ZA PRIJAVU KORUPCIJE“, a kojem pristup ima samo direktor J.U. MES i ovlašteno lice iz člana 7. ovog Pravilnika. Prijava se može podnijeti putem pošte na poštansku adresu J.U. "MES – Međunarodni teatarski festival – Scena MESS" , Maršala Tita 54/1 ili neposredno na Protokol Ustanove u zatvorenoj koverti sa naznakom „Ovlaštenom licu za borbu protiv korupcije“.

Član 7.

(Ovlašteno lice za prijem prijave korupcije)

- (1) Direktor J.U. MES Odlukom imenuje ovlašteno lice za prijem prijave korupcije, koje treba ispunjavati uvjete u pogledu stručne spreme i zvanja.
- (2) Ovlašteno lice mora imati VII stepen stručne spreme, završen pravni fakultet sa 240 ECTS bodova ili ekvivalent.

Član 8.

(Obaveze ovlaštenog lica za prijem prijave korupcije)

- (1) Postupak prijavljivanja korupcije je kada prijavitelj prijavu iz člana 6. ovog Pravilnika podnese odgovornom licu Ustanove ili ovlaštenom licu ili prijavu podnese na način iz člana 6. stav (4) ovog Pravilnika.
- (2) Nakon prijema prijave odgovorno lice ili ovlašteno lice je dužno utvrditi da li prijava ispunjava uslove propisane odredbom člana 6. stav (2) ovog Pravilnika
- (3) Ukoliko prijava ne ispunjava uslove propisane odredbom člana 6. stav (2) ovog Pravilnika, ovlašteno lice obavijestit će prijavitelja, čiji mu je identitet poznat, da u roku od sedam dana od dana prijema obavijesti.
- (4) Ukoliko prijavitelj ne postupi u skladu sastavom (3) ovog Pravilnika, smatrat će se da je odustao od prijave i ovlašteno lice nije dužno postupati po prijavi.
- (5) Ovlašteno lice dužno je postupati i po anonimnim prijavama koje sadrže podatke propisane članom 6. stav (2) ovog Pravilnika

Član 9.

(Radnje nakon zaprimanja prijave)

Nakon što utvrdi da je prijave korupcije sadrži sve zakonom propisane elemente ovlašteno odgovorno lice ili ovlašteno lice dužno je:

- postupiti po prijavi bez odlaganja, a najkasnije u roku od 30 dana od dana prijema prijave;
- osigurati zaštitu ličnih podataka i anonimnost prijavitelja;
- poduzeti mjere i aktivnosti kojima će spriječiti ili otkloniti nastupanje štetne radnje;
- osigurati zaštitu i ostvarivanje prava prijavitelja;
- poduzeti mjere na utvrđivanju disciplinske i materijalne odgovornosti lica koje je izvršilo korupciju;
- obavijestiti prijavitelja o mjerama i aktivnostima poduzetim po podnesenoj prijavi, u roku od 30 dana od dana podnošenja prijave;
- dostaviti prijavitelju odluku o ishodu postupka, u roku od 8 dana od dana okončanja postupka po prijavi;
- prijavu u roku od 5 dana od dana prijema, proslijediti organu ovlaštenom za inspekcijiski nadzor, ukoliko sumnja da prijava ukazuje na izvršenje prekršaja;
- prijavu u roku od 5 dana od dana prijema, proslijediti nadležnom tužilaštvu ili drugom organu, ukoliko sumnja da prijava ukazuje na izvršenje krivičnog djela;
- obavijestiti Ured o ishodu postupka po podnesenoj prijavi korupcije, u roku od 8 dana od dana okončanja postupka.

Član 10.

(Zabrana zloupotrebe prijavljivanja korupcije)

- (1) Zabranjena je zloupotreba prijavljivanja korupcije.
- (2) Zloupotreba iz stava (1) ovog člana postoji kada prijavitelj dostavlja informacije za koje u momentu prijavljivanja zna da nisu istinite.

Član 11.

(Obavezno postupanje po prijavi)

Odgovorno lice Ustanove obavezno je poduzeti sve mjere za otkrivanje, prevenciju, suzbijanje i kažnjavanje svih oblika korupcije i mjere za zaštitu prijavitelja koji prijavljuje korupciju u najkraćim mogućim rokovima koji su potrebni za donošenje pravilne odluke u skladu sa ovim Pravilnikom i Zakonom o prevenciji i suzbijanje korupcije u Kantonu Sarajevo.

Član 12.

(Zaštita prava podnosioca prijave)

- (1) Prijavitelj korupcije ne smije trpiti posljedice zbog prijave korupcije.
- (2) Prijava korupcije predstavlja opravdan razlog za vjerovanje da je informacija bila istinita u trenutku kada je podnesena prijava.
- (3) Prema zaposlenom koji ima saznanja o postojanju korupcije ili koji prijavi korupciju u Službi, ne smiju se poduzimati bilo kakve štetne radnje koje imaju za cilj odvratanje od prijavljivanja korupcije, odnosno, kažnjavanje zbog izvršenog prijavljivanja korupcije.
- (4) Odgovorno i ovlašteno lice dužno je osigurati zaštitu osobnog i profesionalnog integriteta lica koje je prijavilo korupciju, te osigurati da isti ne smije trpiti posljedice zbog prijave, niti se smije stavljati u nepovoljan položaj u odnosu na druge zaposlene.

DIO TREĆI –PRELAZNE I IZVRŠNE ODREDBE

Član 13.

(Primjena Zakona o prevenciji i suzbijanju korupcije u Kantonu Sarajevo)

Na odredbe koje nisu regulisane ovim Pravilnikom, primjenjivat će se odredbe Zakona o prevenciji i suzbijanju korupcije u Kantonu Sarajevo kao i odredbe Instrukcija o postupanju po zaprimljenim prijavama korupcije koje donosi Ured za borbu protiv korupcije i upravljanje kvalitetom Kantona Sarajevo.

Član 14.

(Saradnja sa Uredom za borbu protiv korupcije i upravljanjem kvalitetom)

J.U. MES će pri sprovođenju aktivnosti sarađivati sa Uredom za borbu protiv korupcije i upravljanje kvalitetom Kantona Sarajevo u svim segmentima neophodnim za dosljednu primjenu i implementaciju Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“ broj: 35/22).

Član 13.

(Tumačenje odredbi)

Tumačenje odredbi ovog pravilnika vrši Upravni Odbor.

Član 14.

(Stupanje na snagu)

Pravilnik stupa na snagu danom objavljivanja u Službenim novinama Kantona Sarajevo, a primjenjivat će se od 01.01.2023. godine

Broj: 01-XI-736/22
Sarajevo, 16.11.2022. godine

The image shows a blue circular official stamp of the 'JAVNA USTANOVA MES' (Public Institution MES) with the text 'Direktor J.U. MES' next to it. A yellow rectangular stamp is placed over the signature area, and a blue ink signature is visible over the yellow stamp.